

故宮  
珍本  
纂刊

安  
徽  
府  
州  
縣  
志

第一冊  
共八冊



故宮博物院編

海南出版社

故宮珍本叢刊第 101 册安徽府州縣志第 1 册(共 8 册)

故宮博物院編

# 含山縣志

# 廬江縣志

# 潛山縣志

第一册(共二册)

海南出版社

圖書在版編目(CIP)數據

故宮珍本叢刊.第101~102冊,地理.都會郡縣.安徽,[乾隆]含山縣志、[嘉慶]廬江縣志、  
[乾隆]潛山縣志/故宮博物院編.-影印本.-海口:海南出版社,2001.4

ISBN 7-80645-973-1

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06563 號

故宮珍本叢刊第 101 冊

安徽府州縣志第 1 冊(共 8 冊)

[乾隆]含山縣志 [嘉慶]廬江縣志 [乾隆]潛山縣志

第一冊(共二冊)

故宮博物院編

責任編輯:李升召

\*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

\*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:32.5 印數:1-400 冊

ISBN 7-80645-973-1/Z·54

定價:1680 元(安徽府州縣志 14 種共 8 冊)

本書如有印裝質量方面問題請與我社或承印廠聯係  
我社為本書每冊(種)書新編的目錄均置於每冊書末

乾隆戊辰新刊

含

山

縣

志

本衙藏板

含山縣志序

乾隆甲子冬余恭膺

簡命承乏含邑眺山川察土

田視學宮觀人民略得其

概爰按邑乘考之展讀一

含山縣志

序

過前事瞭然顧邑乘脩於

博姑趙公在康熙甲子歲

閱六十年矣我

國家深仁鉅典與時俱新

六十年來增祠祀加蠲賑

廣倉儲以及丁歸於糧學

廣厥額諸大政既應敬謹

脩書而邑中官師之績人

物之光閭巷之懿美久而

不錄亦懼漸湮第余以蒞

含山縣志

序

任方新拮据於民食民瘼

未遑遽修也丙寅春乃集

耆碩而議焉僉謂亟宜重

脩而邑望大賓唐君焯勗

余重脩意較更摯余惟脩

宜亟也而脩實難學不贍  
不足以考源流識不精不  
足以決去取辭不當不足  
以約繁而存雅至于表德  
揚徽或失之漏或失之苛

含山縣志

序

三

或失之浮且諛又或意見  
不齊分離乖隔無以協規  
模而如出一手矧其下者  
索米受金貽譏穢史甚矣  
志之難脩而總持分纂者

任綦重也用是審慎再三  
詢訪唐君咨以秉筆君辭  
以年臻毫耄精神難繼也  
乃與息心遴選延請邑之  
紳士六人徵文考獻矢公

含山縣志

序

四

矢慎和衷共濟敬倣乾隆  
元年新通志成例定為八  
志綱舉目張各以類從秉  
筆具草余忝時為商確越  
二載而稿粗成余懼其煩

簡不無過當去取未盡咸  
宜因請唐君筆削是任君  
香火誓神鍵戶考核歷數  
月而彙訂成帙以示余一  
切功令典禮若隸于輿

含山縣志

序

五

地學校紀于食貨武備者  
增加改訂昭如日星其官  
於斯土興於斯土者品望  
悉著可法可師其以孝義  
節貞特見者準諸

國典不濫不遺如衡之無  
私重輕如繩之無私曲直  
而藝文之關治化者亦脩  
焉蓋六十餘年之紀載可  
以紹先可以啓後矣雖不

含山縣志

序

六

敢謂毫無餘憾庶幾他年  
登之通志上諸史館信而  
有徵足供採摭云爾是為  
序

乾隆戊辰仲冬之吉

賜進士出身文林郎江南和

州含山縣知縣丁卯科文

闈同考官靈武梁棟撰



含山縣志

序

七

重修含山縣志序

古者列國皆有史周官小史掌邦國之志外史掌四方之志所以備圖書徵文獻典綦重也子長作八書以紀政事班氏改爲十志後世一統通志及郡縣等

含山縣志

序

一

志發凡起例莫不俎豆奉之誠爲不祧之祖矣含邑肇於唐代故無志也前明嘉靖間龍厓牟公實爲嚆矢

本朝定鼎以來一修於德平朱公再修於博姑趙公炳炳烺烺號



稱明備越今六十餘年其間疆里賦役之沿革城池倉社之脩置祠壇關梁之砌建人心風俗之貞淫文物仕宦之隆替月異而歲不同者不知凡幾烏能不亟望良司牧之鴻裁都人士之脩補也哉甲子冬靈武 梁老父墓以名進士簡莅茲土甫下車講求地方利弊洞若觀火叩囊底智治彈丸邑不期月間百廢具舉至脩葺頽宮靈光巋然重煥厥功尤鉅繼閱邑乘漫漶

含山縣志

序

二

殘滅不可卒讀慨然曰是余之責也爰延邑紳士六人廣為蒐羅設局分理徬江南通志義例分爲八門志疆輿示幹止也志食貨示厚生也志學校示正德也志武備示兵防也志職官示統率也志選舉示賓賢也志人物示景行也志藝文示才華也諸君子分類排纂鈎元提要不濫不遺誠哉譽擅三長信徵百世 老父墓仍虛懷卑牧下問愈殷旣念萃腋而成裘猶思提

含山縣志

序

三

綱而挈領復命

焯

佐董是役

焯

本襪線庸才又兼髦荒殘廢睹

珠玉之在前能不自慚形穢伏

思太山不讓土壤河海不擇細

流謹摠蠡測管窺陳一得之芻

蕘挂姓名于簡末雖慚竄貂竊

舍山縣志

序

四

幸附驥庶幾仰酌大賢之寵任

欣沾同志之餘光云爾不揣謏

陋而為之序

皆

乾隆十三年歲次戊辰仲冬月

上浣之吉邑人唐焯融昭氏

頓首謹撰



舍山縣志

序

草

牟志原序

蜀龍厓牟君自巴陵移知含山縣事入境問邑之故無  
 徵焉則喟然歎曰含山雖稱僻小然集合四境蓋無慮  
 百數十里古稱邦國又介江淮之間魏所置東關實在  
 東壩與濡須對壘其址尙存孫曹而降國於江左者率  
 宿兵衛號重地乃無志焉其曷以鑒往而詔來乎蚤夜  
 孳孳以爲已事責然卒不得間居久之以屬博士奉化  
 項君秀上虞羅君瑞明商城吳君泰而簡諸文學弟子  
 以佐閱半歲而訖其編首圖考次建置沿革次疆域山  
 牟序一

原序

川次公署城池若形勝風俗學校祀典次戶口土產祥  
 異又次則職官科甲人物仙靈終焉其諸細纖則各以  
 其類附博哉贍矣牟君請事大吏浮淮泗道滌陽過衛  
 宇俾叙端簡顧松豈其人然松比年東游白石洞天徑  
 東關問俗父老知牟君佳令不欲重違其意爲叙而歸  
 焉胡子曰夫自司馬子長史記之作類聚古今數千年  
 事班孟堅贊而述之爲書後有作者其弗可及也已然  
 余竊感今之郡若縣之志蓋古諸侯列國之史也古列  
 國史若所云晉之乘楚之檇杞魯之春秋周禮小史外

史之所掌與左史倚相所讀九丘之書蓋其遺也無徵

弗論論其著者春秋一書所載十有二公二百四十二  
 年之間僅僅數千言爾乃今天下後世之人之讀之者  
 比其事而論世繇其見以闡隱則知周之盛王之禮樂  
 政刑不行於天下而當時公卿大夫方伯連帥之職墮  
 浸淫漸潰崩壞陵遲至使諸侯僭大夫竊陪臣執國命  
 而一代之典章軌物綱紀法度人文藝極所爲盛衰損  
 益終始之變居然竝賭茲其所以爲盡性之書經世之  
 業而亂臣賊子之所爲懼者歟余不揆謏劣往嘗執筆  
 牟序二

原序

脩之役於我乘竊亦妄意編年因事崇廣然議淺能薄  
 聞見孤陋加以尙書期迫漏闕爲甚蓋甚恨竊意今之  
 君子有志慕效斯業者其必少放麟經微示龜鏡因文  
 見意卽事爲坊括萬目於大綱舉一隅而三反務使祖  
 訓孫謨物則儀式稍稍著見而凡國體之尊卑人材之  
 消長君子小人之用舍進退風俗之敦惡隆汙與後賦  
 之重輕刑賞之平否國用之贏詘災祥之數疏口口盜  
 賊之強弱興滅宛然得之編簡之中斯豈非學士大夫  
 命世之賢之責與或曰古者國有史官掌記時事且相

赴報故得畢書於策而今奚而從也抑不思今之官寺

藏室之所貯與其提控架閣之所典非史之遺歟廼即

報之傳達之海內則既赴告之矣而况欽頒制可之成

書薦紳先生釋官野史之譚纂與街稱巷述虞初齊諧

之所紀錄可以參稽互証者乎紳而化勿襲其跡微而

約弗窮其本大都令可尋繹庶後君子有考焉余既以

誦言告人然未之能行也會牟君見屬遂發之其編之

首牟君積學績文於巴為名士能世其先業不知見此

謂余言然否故願竊聞也乃若典史王子印程梓賴食

牟序三

原序

得附載云嘉靖乙卯夏日前山西布政使司右叅政添

陽胡松撰

牟志後序

牟子曰余讀合山新志而幸山川之有道也始余去巴

陵得是邑念茲雖僻小然密邇京省必有志載思所附

益既見來迎掾吏問之曰無是時猶恐其或未知也及

抵任乃知果爾願一圖之第縮縣符為長吏且無倅佐

即庶事皆叢一身已又河南盜起海上寇作羽檄交至

日有戒心加之連旱祈禱賑恤益不遑禮樂之事也乃

近今少間麥秋大有又賴諸君子勤敏博洽式克全編

自時布流海內使天下瞭然咸知合山之故實其來之

牟序四

後序

遠而富有令哲如此則豈非山川之光而其道蓋有數

與惜也余以報滿不及細討肆就梓焉但古人為命既

草創之復討論之又從而脩飾潤色之要非一人一手

所能擅美而稱備則夫脩飾潤色俾可附於太史氏之

後又豈非後之君子事與余幸及此書之成為合山重

故申厥義於末簡嘉靖乙卯七月望日賜進士第知合

山縣事重慶牟纂書

朱志原序

余不佞聞吳江之秀甲者素矣心竊嚮往焉既而釋褐  
筮令得舍於時採諸鄉先生之旅都會者因悉封域中  
勝槩且以得士人秀吉暨措置無煩難狀余用是喜沾  
沾矣蓋以省諸盤錯苦而峰竒澤媚向之勞吾寤寐者  
庶其且暮遇之迨乎捧檄就事見夫薦紳先生謙而光  
也士柔而克也百姓慤而馴也即下上其賦今所首恃  
以程殿最者以莫不輸將之恐後也則前之所傳聞於  
鄉先生蓋於茲信之獨是疲旣繁應日不暇給且梗逐

朱序一

原序

奔命役役風塵中復津梁為疲也以故山水夙緣至燧  
變星廻者三而未偶也顧欲求一臚列時流足備食息  
臥遊者而舊誌梓簡又苦為燹火灰飛嗚呼振衣濯足  
曠懷可待顧以凌雲紀石之竒蘊玉含珠之秀不令千  
人見萬人亦見山川笑人當不在追隨杖屨間矣余是  
以攬勝之意較短而紀勝之意則長也不寧惟是有司  
職隸風土人文屬焉攬已披之華起方新之秀非其事  
乎余雖搜得舊誌存本蓋為牟公時所註實終於嘉靖  
之乙卯歲屈指今茲已百有餘年其間滄海桑田白云

蒼狗不知其凡幾矣及此而傳舍委之使後之作

窮於見耳窮於聞風聲聊得其似物色或失其真長吏  
職司之謂何余滋懼矣因謀之廣文許凌二先生先生  
慨然為任遂博選諸茂才中視其聞見所長區義類屬  
之幾越歲而草始具又總以授之居巢陸生數閱月乃  
次定焉蓋其慎也聞之格物之學明德者之先務也前  
事之紀後事者之師資也誌為總要者四以雲龍風虎  
分統之計其刻而為卷者二十蓋巨細以備焉若夫則  
天時因地利和民俗調物宜一檢冊而得其理斯長民

朱序二

原序

者觀覽所有事也今人與居古人與稽箕裘弓冶無失  
其舊斯都人士觀覽所有事也信斯誌也一方之文憲  
庶其有徵乎誌成其有勞余者嘉余者俱不受也余敢  
負於茲者三載自分驚下無足表見其借是以行百歲  
螢光不至隨泡漚同泯泯也余幸矣余幸矣行且歸矣  
梓里白社或過我而詢吳下勝槩余且出是編以示俾  
得卜大海於杓水之間是亦與諸君子共之之意也抑  
其次也 肯  
順治辛卯孟夏月

賜進士出身文林郎知江南和州含山縣事平昌朱長

泰撰

朱序三

原序

許序

志與史其名異其義一也國家大經大法有關治體者必載諸史策以垂永久而方域蕃布山川隴俗史所不及列者守宰咸得集成一書以為輶軒問政之助此郡邑志所由始乎顧史兼褒貶詞貴直而無私志主揚抑事取核而有據迺史自南董而降或諛或誣率多失實固不如志之近見諸郡邑者猶為信而有徵也

今皇上文德武功統一區宇環海內外皆歸懷爾受

詔天下纂修通志進呈

許序一

原序

睿覽蓋與禹貢作而九功惟叙職方著而兆民阜成先後同揆焉誠重視之也邑侯趙公剖符含土仁愛拊綏善績未能殫悉以參稽訓典振興風化為已任念含邑舊志蒐錄未備且自朱公成書迄今三十餘載其間因革損益政令多所變通倘不亟行釐訂年愈久而蹟愈湮不得不似郭公夏五之闕疑矣用是禮聘邑中名宿卓可矜式者分局類纂寫之琬琰而諸君子研索窮膏晷之勤網羅極文獻之美仰資國是俯協輿情創墨從繩期於至當三閱月而志告竣屬叙於余余遂謝者

再四第 朱公前志曾附贅數言茲再逢修舉曷敢不  
操觚紀述也 朱公當定開伊始劫火秦灰舊聞放失  
即欲探藏書於柱下諮軼事於老成而滄桑既易甲乙  
滋淆若夫運際昇平悠游討論得以肆力編摩潤色鴻  
業於戲何其盛也矧此三十餘年來召杜循良相繼舍  
之士敦懿行農服先疇風氣日新人文蔚起橫經序  
者家擅繡虎之稱拜職彤廷者各抱濟川之具以至壺  
範幽光節烈輝映倫常攸賴衰輯彌多是前人為其約  
略而今為其精詳也余披讀新志而三復之秩乎綱整

許序二

原序

而條貫也確乎理正而辭嚴也郁郁乎藻采之葩以厚  
也可以別淑慝昭勸懲可以彰往事垂來禩諸君子扞  
竭三長共成良乘足副 邑侯慎重求賢之至意而慕  
爾之匪載籍粲然明備俾觀風者知所採攷實者得所  
據則邑侯之有造於含厥功豈不偉且遠哉昔考亭氏  
守南康甫下車首詢圖志學士謂其識大體故知志者  
史之源也善為政者運治樞而調化瑟莫不於斯折衷  
取裁焉含志有 朱公興起於開代復得 趙公增修  
於鄧隆兩公又籍同山左並擢魏科急所先務撰定不

朽之弘文洵稱舍土奇緣也余依託樂郊兩觀其盛簪  
筆颺休獲列姓名簡末不亦厚幸也歟 昔

康熙甲子仲夏之吉

中憲大夫湖廣德安府知府前吏刑兩部郎中兵部職

方司員外督捕主事奉

命癸卯科陝西主考許暢謹撰

許序三

原序

趙志原序

域中大權有三史居其一焉山川之險易人物之淑慝風俗之淳澆以及治忽興亡之法戒皆賴史以傳史之權不綦重乎欲求信史於天下尋源達委端在郡邑故郡邑之有志猶國之有史也合古歷時界當江淮之衝為吳魏百戰地四山盡起一水橫流馳驅流連令人神往余於癸亥夏新膺

簡命承乏茲土時

聖天子車書一統海宇昇平爰披

趙序一

原序

繪章廣開志載

督撫兩憲臺駝檄大江左右彙集郡邑諸志啟棘闈而布席焉猗歟盛哉文教聿光矣第念志自余鄉公重修後迄今三紀世變風移雖山川如故其間戶口之增損田賦之變通者幾何開市之廢置官廟之釐正者幾何忠孝節義之芳規瑰異琦行之偉蹟遺佚不聞者幾何今不為之紀實考信將何以續三十餘年之曠廢而垂示久遠乎於是不辭固陋彙集邑之神士矢公矢慎博稽幽討焉寧質勿華寧簡勿濫寧慎勿浮謗庶

幾疆域有所據不虞其漏也版籍有所定不虞其紊也

賢者得以傳不肖者知所勵也是則余之志也後之蒞

茲土者其亦有感於余之志也夫 昔

皇清康熙甲子季夏之吉文林郎江南和州含山縣知

縣博姑趙燦撰

趙序二

原序



載序

邦稱吳楚噪耳食者徧寰海余謬蒞茲舍已得大較餘  
閒搜合志一帖中間裨貼皴瘵殊不勝有修繕之感自  
國史一書繼麟經絕筆後十有七種綱目得麟經之遺  
而考序之筆削得春秋左氏之統宗其亦大宋之春秋  
乎抑亦萬世之春秋乎表裏是是非非大書特書為天  
經地義昭若日星此遷固而後紫陽氏之一傳子傳揭  
直道於中天而表彰於燦者也諸國史而外則為傳為  
記為郡志為邑乘亦有麟經之遺焉此含邑之乘有待

趙載序一

原序

於修之亟亟也合志所載如風俗人文山川名勝祭祀  
典禮義夫節婦土產疆界罔或少遺此庖厨襍藝府庫  
六經包羅萬有不得名流碩抱烏能勝任而愉快爰集  
王子千里唐子秩臣鍾子孝虎張子九雲毛子碩人唐  
子修巖分彙纂著佛時仔肩率成舉數十年中葉不無  
損益隱見之漏乘

興朝大修一統全志之盛之時從而振興之使字追句琢

南金竹箭炳炳燿燿如日月經天江河注地後之君子  
伐帖而如見今日於几席面談間猗歟休哉余雖貧於

官適亦快余之懷也云爾

博姑趙燦載撰

趙載序二

原序